

道者萬物之與善人之寶不善人之所保

萬物之與萬物之最貴者與室之西南隅寢廟之制有堂有室室在內故室爲貴室中之制東南隅曰突東北隅曰窻西北隅曰屋漏與尊者所居故與爲貴道之尊貴猶寢廟堂室之與寶人所重善人向道而進修可以取重於人不善人因之而改悔亦可以自保其身○突音窟窻音願

美言可以市尊行可以加人

申言善人之寶善人以道取重於人嘉言可愛如美物之可以鬻賣卓行可宗高出衆人之上

人之不善何棄之有

道藏輯要

道德真經註

卷

心集十

申言不善人所保不善人以道保身者畏威寡罪身獲全安是不善之人道亦何嘗棄之也

故立天子置三公雖有拱璧以先駟馬不如坐進此道

申言道者萬物之與有道之人天命之以君師之位則立之爲天子君命之以師傅之職則置之爲三公皆以有道而貴也拱璧合拱之璧駟馬一乘之馬拱璧先駟馬猶春秋傳言乘韋先十二牛也坐跪也朝聘之享駟馬陳於外執拱璧以將命曰先朝聘以拱璧駟馬爲至貴而未足貴也不如跪而進此道之尤貴天子三公之貴以此道拱璧駟馬不如此道故萬物貴之而以爲與也

古之所以貴此道者何也不曰求以得有罪以免邪故爲天下貴

又總上三節而言貴此道言萬物之與求以得言善人之實罪以免言不善人所保自古所以貴此道者何也豈不曰善人以此道爲人所寶得遂所求邪不善人以此道保其身免陷於罪邪道所以爲天下貴也天下釋萬物貴字釋與

右第五十三章

爲無爲事無事味無味

凡以無爲而爲者老氏宗旨也身行之事以無事爲事口食之味以無味爲味皆演爲無爲一句之旨

道藏輯要

道德真經註

李

心集十

圖難於其易爲大於其細天下難事必作於易天下大事必作於細

作起也所以得遂其無爲者能圖其難於易之時爲其大於細之時也天下之事始易而終難始細而終大終之難起於始之易終之大起於始之細故圖之爲之於其易細之始則其終可不至於難可馴至於大而不勞心勞力所以能無爲也若不早圖之急爲之於其始則其終也易者漸難細者不大心力俱困無爲其可得乎

其安易持其未兆易謀其脆易泮其微易散爲之於未有治之於未亂